

駭 音揩驚 觀 七 慮 漣 音 濬 漣 濬 閔 高麗 音 離國  
 端 瑕 都念反下加反玉病也 褒 直質反亦作帙顯 音 浩 霧 霧 霧 艦  
 反音范反之合 鳥 鳟 脂 粘 奴 廉 閃 燥 失 卦 反  
 謀 問也撚 髮 尼 展 反下六銖 音 珠 漢 鏡 失 卦 反  
 漁 問也撚 髮 尼 展 反下六銖 音 珠 漢 鏡 失 卦 反  
 檻 簪 都 甘 反下音 漵 反 渠 月 跳 子 六 拈 音 支 坡  
 普 禾 反 登 簪 盖 也 漵 月 跳 子 六 拈 音 支 坡  
 山 一 也 鑣 刮 古 利 反 炮 蒲 交 鷹 鷗 於 陵 反 下  
 也 詭 虛 訝 反 正 抖 呶 音 斗 下 錄 錄 錄 錄 錄 錄  
 舛 典 礼 反 踰 稹 萃 泰 醉 醉 醉 醉 醉 醉  
 也 倾 音 驈 贈 冷 音 疼 疼 疼 疼 疼 疼  
 八 末 出 四

## 景德傳燈錄卷第二十五

出五

吉州清原山行思禪師第九世  
 上  
 金陵清涼文益禪師法嗣三十人見錄  
 天台山德韶國師 杭州報恩寺慧明禪師  
 漳州羅漢智依大師 金陵章義道欽禪師  
 金陵報恩匡逸禪師 金陵報慈文遂禪師  
 歸寺受業十八納戒於信州開元寺後唐同

洪州雲居清錫禪師 洪州百丈道常禪師  
 天台般若敬遵禪師 盧山歸宗榮真禪師  
 洪州同安紹顯禪師 盧山棲賢慧圓禪師  
 洪州觀音從顯禪師 盧州長安延規禪師  
 常州正勤希奉禪師 洛京興善棲倫禪師  
 洪州新興齊禪師 潤州慈雲匡達禪師

## 景德傳燈錄卷第二十六

出五

金陵清涼文益禪師第九世  
 上  
 天台山德韶國師處州龍泉人也俗姓陳氏  
 母葉氏夢白光觸體因而有娠及誕尤多奇  
 異年十五有梵僧勉令出家十七依本州龍  
 州歸寺受業十八納戒於信州開元寺後唐同

光中遊方詣投子山見大同禪師乃發心之始次謁龍牙道和尚問雄雄之尊爲什麼近之不得龍牙曰如火與火曰忽遇水來又作麼生龍牙曰汝不會師又問天不蓋地不載此理如何龍牙曰合如是師不喻旨再請垂誨龍牙曰道者汝向後自會去次問疏山曰百而千重是何人境界疏山曰左搓芒繩縛鬼子師進曰不落古今請師說曰不說師曰爲什麼不說曰个中不辨有無師曰師今善說疏山駭之師如是歷參五十四善知識皆法緣未契最後至臨川謁淨慧禪師淨慧一見深器之師以徧涉叢林亦倦於參問但隨衆而已一日淨慧上堂有僧問如何是曹源一滴水淨慧曰是曹源一滴水僧惘然而退師於坐側豁然開悟平生凝滯渙若冰釋遂以所悟聞于淨慧淨慧曰汝向後當爲國王所師致祖道光大吾不如也自是諸方異唱古今玄鍵與之波擇不留微迹尋廻本道遊

世五

天台山覩智者顥禪師遺蹤有若舊居師復與智者同姓時謂之後身也初止白沙時吳越忠懿王以國王子刺台州嚮師之名延請問道師謂曰他日爲霸主無忘佛恩漢乾祐元年戊申王嗣國位遣使迎之申弟子之禮有傳天台智者教義寂者屢言于師曰智者之教年祀寢遠慮多散落今新羅國其本甚備自非和尚慈力其熟能致之乎師於是聞于忠懿王王遣使及齋師之書往彼國繕寫備足而迴迄今盛行于世矣師上堂曰古聖方便猶如河沙祖師道非風幡動仁者心動斯乃無上心印法門我輩是祖師門下客合作麼生會祖師意莫道風幡不動汝心妄動莫道不撥風幡就風幡通取莫道風幡動處是什麼有云附物明心不須認物有云色即是空有云非風幡動應須妙會如是解會與祖師意旨有何交涉既不許如是會諸上坐便合知悉若於遮裏徹底悟去何法門而不

明百千諸佛方便一時洞了更有甚麼疑情  
所以古人道一了千明一迷萬惑上坐豈是  
今日會得一則明日又不會也莫是有一分  
向上事難會有一分下劣凡夫不會如此見  
解設經塵劫只自勞神乏思無有是處僧問  
諸法寂滅相不可以言宣和尚如何爲人師

世五

三

曰汝到諸方更問一徧曰恁麼即絕於言句  
去也師曰夢裏惺惺問櫓棹俱停如何得到  
彼岸師曰度汝平生問如何是三種病人師  
曰恰問著問如何是古佛心師曰此問不弱  
問如何是六相師曰即汝是問如何是方便  
師曰此問甚當問云僧遷化向什麼處去也  
師曰終不向汝道曰爲什麼不向某甲道師  
曰恐汝不會問一華開五葉結果自然成如  
何是一華開五葉師曰日出月明曰如何是  
結果自然成師曰天地皎然問如何是無憂  
佛師曰愁殺人問一切山河大地從何而起  
師曰此問從何而來問如何是數起底心師

曰爭諱得問如何是第二月師曰來處甚分  
明曰爲什麼不會師曰喚什麼作第二月問  
如何是沙門眼師曰黑如漆問絕消息時如  
何師曰謝指示問如何是轉物即同如來師  
曰汝喚什麼作物曰恁麼即同如來也師曰  
莫作野干鳴問那吒太子析肉還母析骨還  
父然後於蓮華上爲父母說法未審如何是  
太子身師曰大家見上坐問曰恁麼即大千  
同一真如性也師曰依希似曲纔堪聽又被  
風吹別調中問六根俱泯爲什麼理事不明  
師曰何處不明曰恁麼即理事俱如也師曰  
前言何在師有時謂衆曰大凡言句應須絕  
滲漏始得時有僧問如何是絕滲漏底句師  
曰汝口似鼻孔問如何是不證一法師曰待  
言語在曰如何是證諸法師曰醉作麼師有  
時謂衆曰只如山僧恁麼對他諸上座作麼  
生體會莫是真實相爲麼莫是正恁麼時無  
一法可證麼莫是識伊來處麼莫是全體顯

露麻莫錯會好如此見解喚作依草附木與  
佛法天地懸隔假饒答話簡辨如懸河只成  
得箇顛倒知見若只貴答話簡辨有什麼難  
但恐無益於人翻成賺悞如上座從前所學  
簡辨問答記持說道理極多爲什麼心疑不  
息聞古聖方便特地不會只爲多虛少實上

廿五四

座不如從脚跟下一時覲破看是什麼道理  
有多少法門與上座作疑求解始知從前所  
學底事只是生死根源陰界裏活計所以古  
人道見聞不脫如水裏月無事珍重師有偈  
示衆曰通玄峯頂不是人間心外無法滿目  
青山師後於般若寺開堂說法十二會第一

會師初開堂日示衆云一毛吞海海性無虧  
纖芥投鋒鋒利無動見與不見會與不會惟  
我知焉乃有頌曰暫下高峯已顯揚般若圓  
通遍十方人天浩浩無差別法界縱橫處處  
彰珍重師昇堂日有僧問承古有言若人見  
般若即被般若縛若人不見般若亦被般若

縛既見般若爲什麼却被縛師云你道般若  
見什麼學云不見般若爲什麼却被縛師云  
你道般若什麼處不見又云若見般若不名  
般若不見般若亦不名般若般若且作麼生  
說見不見所以古人道若欠一法不成法身  
若剩一法不成法身若有一法不成法身若  
無一法不成法身此是般若之真宗諸上座  
又僧問乍離凝峯丈室來坐般若道場今日  
家風請師一句師云虧汝什麼處學云恁麼  
即雷音震動乾坤地人人無不盡沾恩師云  
幸然未會且莫探頭探頭即不中諸上座相  
共證明令法久住國土安樂珍重第二會師

廿五五

上堂有僧問承教有言歸源性無二方便有  
多門如何是歸源性師云你問我答學云如  
何是方便門師云你答我問學云如何趣向  
師云顛倒作麼又僧問一身即無量身無量  
身即一身如何是無量身師云一身學云恁  
麼即答日靈山今來親覩師云理當即行又

云三世諸佛一時證明上座上座且作麼生會若會時不遷無絲毫可得移易何以故爲過去未來現在三際是上座上座且非三際澤霖大海滴滴皆滿一塵空性法界全收珍重第三會師上堂有僧問四衆雲集人天恭敬目覩尊顏願宣般若師云分明記取學云師宣妙法國王萬歲人民安樂師云誰向你道學云法爾如然師云你靈利又僧問三世諸佛不知有狸奴白牯却知有既是三世諸佛爲什麼却不知有師云却是你知有學云狸奴白牯爲什麼却知有師云你什麼處見三世諸佛又僧問承教有言眼不見色塵意

據如今一時驗取珍重第四會師上堂舉古人事云如何是禪三界綿綿如何是道十方浩浩因什麼道三界綿綿何處是十方浩浩底道理要會麼塞却眼塞却耳塞却舌身意無空闕處無轉動處上座作麼生會橫亦不得豎亦不得縱亦不得奪亦不得無用心處亦無施設處若如是會得始會法門絕擇一切言語絕滲漏曾有僧問作麼生是絕滲漏底語向他道口似鼻孔甚好上座如此會自然不通風去如識得盡十方世界是金剛眼睛無事珍重第五會師上堂有僧問云天下太平大王長壽如何是王師云日曉月明學云

廿五

六

不知諸法如何是眼不見色塵師云却是耳見學云如何是意不知諸法師云眼知學云恁麼即見聞路絕聲色喧然師云誰向你道又云夫一切問答如針鋒相投無纖毫參差相事無不通理無不備良由一切言語一切

三昧橫豎深淺隱顯去來是諸佛實相門只

麼即隨靜林間獨自遊師云亂道作麼又云  
佛法不是這箇道理要會麼言發非聲色前  
不物始會天下太平大王長壽久立珍重第  
六會師上堂示衆云佛法現成一切具足古  
人道圓同太虛無欠無餘若如是且誰欠誰  
剩誰是誰非誰是會者誰是不會者所以道  
東去亦是上座西去亦是上座南去亦是上  
座北去亦是上座上座因什麼得成東西南  
北若會得自然見聞覺知路絕一切諸法現  
前何故如此爲法身無相觸目皆形般若無  
知對緣而照一時徹底會取好諸上座出家  
兒合作麼生此是本有之理未爲分外識心  
達本源故名爲沙門若識心皎皎地實無絲  
毫障礙上座久立珍重第七會師上堂有僧  
問欲入無爲海先乘般若船如何是般若船  
師云常無所住曰如何是無爲海師云且會  
般若船又僧問古德云登天不借梯遍地無  
行路如何是登天不假梯師云不遺絲髮地

世五

學云如何是遍地無行路師云適來向你道  
什麼師又云百千三昧門百千神通門百千  
妙用門盡不出得般若海中何以故爲於無  
住本建立諸法所以道生滅去來邪正動靜  
千變萬化是諸佛大定門無過於此諸上座  
大家究吼增於佛法壽命珍重第八會師上  
堂有僧問世尊有正法眼付囑摩訶迦葉只  
如迦葉在賓鉢羅窟未審付囑何人師云教  
我向誰說學云恁麼即靈山付囑不異今日  
師云你什麼處見靈山又僧問淨慧寶印和  
尚昔日迦葉親傳未審今日一會當付何人  
師云擊擊鼓一頭打兩頭鳴學云恁麼即千  
聖同傳古今不異師云禪河浪靜尋水迷源  
又僧清遇云帝王請命師赴王恩般若會中  
請師舉唱師云分明記取學云恁麼即雲臺  
寶網同演妙音師云清遇何在學云法王法  
如是師云阿誰證明又云靈山付囑分明諸  
上座一時驗取若驗得更無別理只是如今

譬如太虛日明雲暗山河大地一切有爲世界悉皆明現乃至無爲亦復如是世尊付囑師道心自本來心本心非有法法有本心非心非本法此是靈山付囑榜樣諸上座徹底會取好莫虛度時充國王恩難報諸佛恩

難報父母師長恩難報十方施主恩難報況建置如是次第佛法興隆若非國王恩力焉得如此若要報恩應須明徹道眼入般若性海始得久立珍重第九會師上堂有僧問承先德云人空法亦空二相本來同如何是二相本來同師云山河大地學云不會乞師方便師云什麼處是不方便處又僧問承教有言心清淨故法界清淨如何是清淨心師云迦陵頻伽共命之鳥學云心與法界是一是二師云你自問別人問師又云大道廓然詎齊今古無名無相是法是修良由法界無邊心亦無際無事不彰無言不顯如是會得喚

出五

八

作般若現前理極同真際一切山河大地森羅萬象牆壁瓦礫並無絲毫可得虧闕無事父立珍重第十會師上堂有僧問承師有言九天擎玉印七佛兆前心如何是印師云不露文曰如何是心師云你名安嗣又云法界性海如函如蓋如鉤如鎖如金與金色位位皆齊無纖毫參差不相混濫非一非異非同非別若歸實地去法法皆到底不是上來箇如何若何便是不問時便非在長連牀上坐時是有不坐時是無只如諸方老宿言教在世如恒河沙如來一大藏經卷卷皆說佛理句句盡言佛心因什麼得不會去若一向織絡言教意識解會饒上座經塵沙劫亦不能得徹此喚作轉倒知見識心活計並無得力處此蓋爲腳根下不明若究盡諸佛法源河沙大藏一時現前不欠絲毫不剩絲毫諸佛時常出世時常說法度人未曾間歇乃至猿啼鳥叫草木叢林常助上座發機未有一

時不爲上座有如是奇特處可惜許諸上座  
大家究取今法久住世間增益人天壽命國  
王安樂無事久立珍重第十一會師上堂舉  
古人云吾有一言天上人間若人不會緣水  
青山且作麼生是一言底道理古人語須是  
世五  
曉達始得若是將言而名於言未有箇會處  
九  
良由究盡諸法根蒂始會一言不是一言半  
句思量解會喚作一言若會言語道斷心行  
處滅始到古人境界亦不是閉目蔽睛暗覩  
無所見喚作言語道斷且莫賺會佛法不是  
這箇道理要會麼假饒經塵沙劫說亦未曾  
有半句到諸上座經塵沙劫不說亦未曾欠  
少半句應須徹底會去始得若如是斟酌名  
言空勞心力並無用處與諸上座共相證明  
後學初心速須究取久立珍重第十二會師  
上堂有僧問觸體常于世界鼻孔摩觸家風  
如何是觸體常于世界師云更待答話在學  
云如何是鼻孔摩觸家風師云時復舉一遍

又僧問一人執炬自盡其身一人抱冰搆屍  
於路此二人阿誰辨道師云不遺者學云不  
會乞師指示師云你名敬新學云未審還有  
人證明也無師云有學云什麼人證明師云  
敬新證明又僧問牛頭未見四祖時如何師  
云異境靈蹤觀者皆羨僧又云見後如何師  
云適來向你道什麼又僧問承古有言敲打  
虛空鳴殼殼石人木人齊應諾六月降雪落  
紛紛此是如來大圓覺如何是敲打虛空底  
師云崑崙奴著鐵檣打一棒行一步學云恁  
麼即石人木人齊應諾也師云你還聞麼又  
云諸佛法門時常如是譬如大海千波萬浪  
未曾暫住未常暫有未常暫無浩浩地光明  
自在宗三世於毛端圓古今於一念應須徹  
底明達始得不是問一則語記一轉話巧作  
道理風雲水月四六八對便當佛法莫自賺  
諸上座究竟無益若徹底會去實無可隱藏  
無刹不彰無塵不現直下凡夫徑齊諸佛不

用纖毫氣力一時會取好無事久立珍重開  
寶四年辛未華頂西峯忽摧聲震一山師曰  
吾非久矣明年六月大星隕于峯頂林木變  
白師乃示疾於蓮華峯參問如常二十八日  
集衆言別跏趺而逝壽八十二臘六十五

世五

杭州報恩寺慧明禪師姓蔣氏幼出家三學

十

精練志探玄旨乃南遊於閩越間歷諸禪會  
莫契本心後至臨川謁淨慧禪師師資道合  
尋迴鄴水大梅山庵居時吳越部內禪學者  
雖盛而以玄沙正宗置之間外師欲整而導  
之一日有二禪客到師問曰上座離什麼處  
曰都城師曰上座離都城到此山則都城少

一大師及地藏法眼宗旨臻極王因命翠巖  
令參等諸禪匠及城下名公定其勝負天龍  
禪師問曰一切諸佛及諸佛皆從此經出來  
審此經從何而出師曰道什麼天龍方再問  
師曰過也資嚴長老問如何是現在三昧師  
曰還聞麼世五曰某甲不患聾師曰果然患聾師  
十一

舉雪峯塔銘問老宿云夫從緣有者始終而  
不成壞非從緣有者歷劫而長堅堅之與壞即  
且置雪峯只今在什麼處法眼別云只是壞今是成是觀衆皆  
無對設有對者亦不能當其徵詰時群彥彌  
伏王大悅命師居之署圓通普照禪師師上  
堂謂衆曰諸人還委得麼莫道語默動淨無

非佛事好且莫錯會僧問如何是祖師西來意師曰汝還見香臺麼曰某甲未會乞師指示師曰香臺也不識問離却目前機如何是西來意師曰汝何不問曰恁麼即委時去也師曰也是虛施問如何是佛法大意師曰我見燈明佛本光瑞如此問如何是學人自己師曰特地申問是什麼意問如何是西來意師曰十萬八千真跋涉直下西來不到東問如何是第二月師曰捏目看花花數朵見精明樹幾枝枝 漳州羅漢宣法大師智依師上堂曰盡十方世界無一微塵許法與汝作見聞覺知還信麼然雖如此也須悟始得莫將爲等閑不見道單明白自己不悟目前此人只具一隻眼還會麼僧問纖塵不立爲什麼好醜現前師曰分明記取別處問人問大衆雲集誰是得者師曰還曾失麼問如何是佛師曰汝是行脚僧問如何是寶壽家風師曰一任觀看曰恁麼即太守有賴師曰汝作麼

生曰終不敢謾大衆師曰嫌少作麼師問僧受業在什麼處曰在佛迹師曰佛在什麼處曰什麼處不是師舉起拳曰作麼生曰和尚收取曰放閣梨七棒師問僧今夏在什麼處曰在無言上座處師曰還曾問訊他否曰也曾問訊師曰無言作麼生問得曰若得無言什麼處不問得師喝之曰恰似問老兄師與彥端長老喫餅餃端曰百種千般其體不二師曰作麼生是不二體端拈起餅餃師曰只守百種千般端曰也是和尚見處師曰汝也是羅公詠梳頭樣師將示滅乃謂衆曰今晚四大不和暢雲騰鳥飛風動塵起浩浩地還世五

十二有人治得麼若治得求劫不相識若治不得時時常見我言訖告寂 金陵鍾山章義禪師道欽太原人也初住廬山接賢師上堂曰道遠乎哉觸事而真聖遠乎哉體之則神我尋常示汝何不向衣鉢下坐地直下參取須要上來討箇什麼既上來我即事不獲已便

舉古德少許方便斗藪些子龜毛兔角解落諸上座欲得省要麼僧堂裏三門下寮舍裏參取好還有會處也未若有會處試說看與上座證明僧問如何是接賢境師曰有什麼境問古人拈椎豎拂還當宗乘中事也無師曰古人道了也問學人割入叢林乞和尚指示師曰一手指天一手指地江南國主請師居義章道場示衆曰揔來這裏立作什麼善知識如河沙數常與汝爲伴行住坐卧不相捨離但長連牀上穩坐地十方善知識自來參上座何不信取作得如許多難易他古聖嗟見今時人不柰何了乃曰傷夫人情之感

父矣目對真而莫覺此乃嗟汝諸人看却不知且道看却什麼不知何不體察古人方便只爲信之不及致得如此諸上座但於佛法中留心無不得者無事體道去僧問如何是西來意師曰不東不西問百年暗室一燈能破時如何師曰莫謾語問佛法還受變異也

廿五

十三

無師曰上座是僧問大眾雲集請師舉揚宗旨師曰久矣問如何是玄旨師曰玄有什麼旨金陵報恩匡逸禪師明州人也初住潤州慈雲江南國主請居上院署凝密禪師一日上堂衆集師顧視大眾曰依而行之即無累矣還信麼如太陽赫奕皎然地更莫思量思量不及設爾思量得及喚作分限智慧不見先德云人無心合道道無心合人人道既合是名無事人且自何而凡自何而聖此若未會也只爲迷情所覆便去不得迷時即有質礙爲對爲待種種不同忽然惺去亦無所得譬如演若達多認影爲頭豈不是擔頭覓頭然正迷之時頭且不失及乎悟去亦不爲得何以故人迷謂之失人悟謂之得得失在於人何關於動靜僧問諸佛說法普潤群機和尚說法什麼人得聞師曰只有汝不聞問如何是報恩一句師曰道不是得麼問十二時中思量不到處如何行履師曰汝如今在

什麼處問祖師西來如何舉唱師曰不違所請問如何是一句師曰我答爭似汝舉問佛爲一大事因緣出世未審和尚出世如何師曰恰好曰恁麼即大衆有賴師曰莫錯會金陵報慈道場文遂導師杭州人也姓陸氏乳抱中父母從家于宣城纔卯歲挺然好學乃禮池州僧正落髮登戒年十六觀方禪教俱習嘗究首楞嚴經十軸甄分真妄緣起本末精博於是節科注釋文句交絡厥功既就謁于淨慧禪師述己所業深符經旨淨慧問曰楞嚴豈不是有八還義師曰是曰明還什麼師曰明還日輪曰日還什麼師懵然無對淨慧誠令焚其所注之文師自此服膺請益始忘知解初住吉州止觀乾德二年國主延入居長慶次清涼次報慈大道場署雷音覺海大導師禮待異乎他等師上堂謂衆曰天人群生類皆承此恩力威權三界德被四生共稟靈光咸稱妙義十方諸佛常頂戴汝誰

廿五

十四

敢是非及乎向這裏喚作開方便門對根設教便有如此如彼流出無窮若能依而奉行有何不可所以清涼先師道佛即是無事人且如今覓箇無事人也不可得僧問崇壽佛法付囑止觀佛法付囑何人師曰汝試舉崇壽佛法看問巔山巔崖還有佛法也無師曰汝喚什麼作巔山巔崖問如何是道師曰妄想顛倒師謂衆曰老僧平生百無所解日日一般雖住此間隨緣任運今日諸上座與本無異僧問如何是無異底事師曰千差萬別僧再問師曰止止不須說且會取千差萬別問如何是和尚家風師曰方丈板門扇問如何是無相道場師曰四郎五郎廟問如何是吹毛効師曰幹麵杖問如何是正直一路師曰遠遠近近曰便恁麼去時如何師曰咄哉癡人此是險路師問僧從什麼處來曰撫州曹山來師曰幾程到此曰七程師曰行却許多山林谿澗何者是汝自己曰揔是師

曰衆生顛倒認物爲己曰如何是學人自己  
師曰揔是師又曰諸上座各在止觀經冬過  
要還有人悟自己也無止觀與汝證明令汝  
真見不被邪魔所惑問如何是學人自己師  
曰好箇師僧眼目甚分明 漳州羅漢院守  
仁禪師泉州永春人也初參淨慧後廻故郡

廿五

十五

止東安興教寺上方院示衆曰只據如今誰  
欠誰剩然雖如此猶是第二義門上座若明  
達得去也且是一是二更須子細看僧問如  
何是祖師西來的的意師曰即今是什麼意  
問如何是涅槃師曰生死曰如何是生死師  
曰適來道什麼僧衆晚參師謂衆曰物物本  
來無處所一輪明月印心池便歸方丈師次  
任漳州報恩院謂衆曰報恩這裏不曾與人  
揀話今日與諸上座揀一兩則話還願樂麼  
諸上座鶴脰長鳧脰短甘草甜黃藥苦恁麼  
揀辨還憶雅意麼諸上座莫道血脉不通泥  
水有闊好且莫錯會珍重僧問如何是西來

意師曰喚什麼作西來意曰恁麼即無西來  
也師曰由汝口頭道問如何是報恩家風師  
曰無汝著眼處問學人未委稟承請師方便  
師曰莫相辜負麼曰恁麼即有師資之分也  
師曰叢林見多問如何是佛法大意師曰向  
汝道什麼問如何是無生之相師曰捨身受  
身曰恁麼即生死無過也師曰料汝恁麼會  
師又曰人人皆備理一一盡圓常問如何是  
圓常之理師曰無事不參差曰恁麼即縱橫  
法界也師曰巧道有何難問如何是不到三  
寸師曰汝問我答師問僧什麼處來曰福州  
來師曰跋涉如許多山嶺阿那箇是上座自  
己曰某甲親離福州師曰恁麼商量別有商  
量曰更作麼生商量師曰汝詰墮也問不昧  
緣塵請師一接師曰喚什麼作緣塵僧曰若  
不伸問焉息疑情師曰若不是今日便作官  
方 杭州永明寺道潛禪師河中府人也姓  
武氏初詣臨川謁淨慧禪師一見異之便容

入室一日淨慧問曰子於參請外看什麼經  
師曰看華嚴經淨慧曰總別同異成壞六相  
是何門攝屬師對曰文在十地品中據理則  
世出世間一切法皆具六相曰空還具六相  
也無師懵然無對淨慧曰子却問吾師乃問  
曰空還具六相也無淨慧曰空師於是開悟

卅五十六

踊躍禮謝淨慧曰子作麼生會師曰空淨慧  
然之異日因四衆士女入院淨慧問師曰律  
中道隔壁聞釤釤聲即名破戒見覩金銀合  
雜朱紫駢闐是破戒不是破戒師曰好箇入  
路淨慧曰子向後有五百毳徒而爲王侯所  
重在師尋禮辭駐錫於衢州古寺閱大藏經  
而已後忠懿王錢氏命入府受菩薩戒署慈  
化定慧禪師建大伽藍號慧日永明請居之  
師曰欲請塔下羅漢銅像過新寺供養王曰  
善矣予昨夜夢十六尊者乞隨禪師入寺何  
昭應之若是仍於師號加應真二字師座永  
明大道場常五百衆師上堂謂衆曰佛法顯

然因什麼却不會去諸上座欲會佛法但問  
取張三李四欲會世法則參取古佛叢林無  
事久立僧問如何是永明的意師曰今日  
十五明朝十六曰覽師的意師曰何處覽  
問如何是永明家風師曰早被上座答了也  
問三種病人如何接師曰汝是靜人曰請師  
方便師曰是方便問牛頭未見四祖時爲什  
麼百鳥銜華師曰見東見西曰見後爲什麼  
不銜華師曰見南見北曰昔日作麼生師曰  
且會今日問如何是第二月師曰月問如何  
是覩面事師曰背後是什麼問文殊仗劍擬  
殺何人師曰止止曰如何是劍師曰眼是問

廿五十七

諸餘即不問向上宗乘亦且置請師不答師  
曰好箇師僧子曰恁麼即禮拜去也師曰不  
要三拜盡汝一生去一日大衆參師指香鑪  
曰汝諸人還見麼若見一時禮拜各自歸堂  
僧問至道無言借言顯道如何是顯道之言  
師曰切忌揀擇問如何是慧日祥光師曰此

去報慈不遠曰恁麼即親蒙照燭也師曰且喜沒交涉撫州黃山良匠禪師吉州人也上堂謂衆曰高山頂上空蔬飯無可祇待諸道者唯有金剛眼睛憑助汝發明真心汝若會得能破無明黑暗汝若不會真箇不壞便起歸方丈僧問如何是黃山家風師曰築著汝鼻孔問如何是物不遷義師曰春夏秋冬問如何是一路涅槃門師曰汝問宗乘中一句豈不是曰恁麼即不哆哆師曰莫哆哆好問衆星攢月時如何師曰喚什麼作月曰莫即這箇便是也無師曰這箇是什麼問明鏡當臺森羅為什麼不現師曰那裏當臺曰爭奈即今何師曰又道不現問如何是禪師曰三界綿綿曰如何是道師曰四生浩浩杭州靈隱山清聳禪師福州福清縣人也初參淨慧一日淨慧指雨謂師曰滴滴落上座眼裏師初不喻旨後因閱華嚴經感悟承淨慧印可迴止明州四明山卓庵節度使綾億

執師事之禮忠懿王命於臨安兩處開法後居靈隱上寺署了悟禪師師上堂示衆曰十方諸佛常在汝前還見麼若言見將心見將眼見所以道一切法不生一切法不滅若能如是解諸佛常現前又曰見色便見心且喚什麼作心山河大地萬象森羅青黃赤白男女等相是心不是心若是心為什麼却成物象去若不是心又道見色便見心還會麼只為迷此而成顛倒種種不同於無同異中強生同異且如今直下承當頓豁本心皎然無一物可作見聞若離心別求解脫者古人喚作迷波計源卒難曉悟問根塵俱泯為什麼出五十八

事理不酬師曰事理且從喫什麼作俱泯底根塵問如何是觀音第一義師曰錯問無明實性即佛性如何是佛性師曰喫什麼作無明問如何是和尚家風師曰亘古亘今問不答時如何師曰寢語作麼問如何是巔山巔崖裏佛法師曰用巔山巔崖作麼問牛

頭未見四祖時如何師曰青山綠水曰見後  
如何師曰绿水青山師問僧汝會佛法麼曰  
不會師曰汝端的不會曰是師曰且去待別  
時來其僧珍重師曰不是這箇道理問如何  
是摩訶般若師曰雪落茫茫僧無語師曰會  
麼曰不會師遂有頌曰摩訶般若非取非捨  
若人不會風寒雪下金陵報恩院玄則禪  
師滑州衛南人也初問青峯如何是佛青峯  
曰丙丁童子來求火師得此語藏之於心及  
謁淨慧淨慧詰其語旨師對曰丙丁是火而  
更求火亦似玄則將佛問佛淨慧曰幾放過  
元來錯會師雖蒙開發頗懷猶豫復退思既  
殆莫曉玄理乃投誠請益淨慧曰汝問我與  
汝道師乃問如何是佛淨慧曰丙丁童子來  
求火師豁然知歸後住報恩院師上堂顧視  
大眾曰好箇話頭只是無人解問得所以勞  
他古人三度喚之諸人即不勞他喚也此即  
且從古人意作麼生還說得麼千佛出世亦

世五

不增一絲毫六道輪迴也不減二絲毫皎皎  
地現無絲頭翳礙古人道但有纖毫即是塵  
且如今物象巍然地作麼生消遣汝若於此  
消遣不得便是凡夫境界然也莫嫌朴實說  
話也莫嫌說著祖佛何以故見說祖佛便擬  
超越去若恁麼會大沒交涉也須子細詳究  
看不見他古德究離生死亦無剃頭剪瓜功  
夫如今看見大難繼續問了了見佛性如何  
是佛性師曰不欲便道問如何是金剛大士  
師曰見也未問如何是諸聖密密處師曰却  
須會取自己曰如何是和尚密密處師曰待  
汝會始得師謂衆曰諸上座盡有常圓之月  
各懷無價之珍所以月在雲中雖明而不照  
智隱惑內雖真而不通無事久立問如何是  
不動尊師曰飛飛颺颺問如何是了然一句  
師曰對汝又何難曰恁麼道莫便是也無師  
曰不對又何難曰深領和尚恁麼道師曰汝  
道我道什麼問云僧遷化向什麼處去也師

十九

曰待汝生即道曰賓主歷然師曰汝立地見  
云僧問如何是學人本來心師曰汝還曾道  
著也未曰只如道著如何體會師曰待汝問  
始得問教中有言樹能生果作頗梨色未審  
此果何人得喫師曰樹從何來曰學人有分  
師曰去果八萬四千問如何是不遷師曰江

河競注日月旋流問宗乘中玄要處請師一  
言師曰汝行脚來多少時也曰不曾逢伴侣  
師曰少瞌睡金陵報慈道場玄覺尊師行  
言泉州晉江人也得法於淨慧禪師上堂示  
衆曰凡行腳人參善知識到一叢林放下瓶  
鉢可謂行菩薩之道能事畢矣何用更來這  
裏舉論真如涅槃此是非時之說然古人有  
言譬如披沙識寶沙礫若除真金自現便喚  
作常住出間具足僧寶亦如一味之兩一般  
之地生長萬物大小不同甘辛有異不可道  
地與雨有大小之名也所以道方即現方圓  
即現圓何以故法爾無偏正隨相應現喚作

世五

對現色身還見麼若不見也莫閑坐地問如  
何是祖師西來意師曰此問不當問坐却是  
非如何合得本來人師曰汝且作麼生坐江  
南國主新建報慈大道場命師大闡宗猷海  
會二千餘衆別署導師之號師謂衆曰此日  
英賢共會海衆同臻諒惟佛法之趣無不備  
矣若是英鑒之者不須待言也然言之本無  
何以默矣是以森羅萬象諸佛洪源顯明則  
海印光澄冥昧則情迷自惑苟非通心上士  
逸格高人則何以於諸塵中發揚妙極卷舒  
物象縱奪森羅示生非生應滅非滅生滅洞  
已乃曰真常言假則影散千途論真則一空  
絕迹豈可以有無生滅而計之者哉問國王  
再請蓋特薦先朝和尚今日如何舉唱師曰  
汝不是問再唱人曰恁麼即天上人間無過  
此也師曰勿交涉問遠遠投師請垂一接師  
曰却依舊處去金陵淨德道場達觀禪師  
智筠河中府人也姓王氏弱齡邁俗依普救

寺果大師披削年滿受具始遊方謁撫州龍濟修山主親附久之機緣莫契後詣金陵報恩道場參淨慧頓悟玄旨後住廬山接賢寺師上堂謂衆曰從上諸聖方便門不少大底只要諸仁者有箇見處然雖未見且不參差一絲髮許諸仁者亦未嘗違背一絲髮許何廿五

二十一

廿五以故烜赫地顯露如今便會取更不費一毫氣力還省要麼設道毗盧有師法身有主斯乃抑揚對機施設諸仁者作麼生會對底道理若也會且莫嫌他佛語莫重祖師直下是自己眼明始得僧問如何是的之言師曰道什麼問紛然覓不得時如何師曰覓箇什麼不得問如何是祖師意師曰用祖師意作什麼問今朝呈遠瑞正意爲誰來師曰大衆盡見汝恁麼問乾德三年江南國主仰師道化於北苑建大道場曰淨德延請居之署大禪師之號上堂謂衆曰夫欲慕道也湏上上根器始得造次中下不易承當何以故佛法

非心意識境界上座莫恁麼憊狹地他古人道沙門眼把定世界函蓋乾坤絲絲不漏絲髮所以諸佛讚歎讚歎不及比喻比喻不及道上座威光赫奕亘古亘今幸有如是家風何不紹續取爲什麼自生卑劣枉受辛勤不能曉悟只爲如此所以諸佛出興於世只爲如此所以諸佛唱入涅槃只爲如此所以祖師特地西來僧問諸聖皆入不二法門如何是不二法門師曰但恁麼入曰恁麼即今古同然去也師曰汝道什麼處是同問如何是佛法大意師曰恰問著曰恁麼即學人禮拜也師曰汝作麼生會問如何是佛師曰如何不是師復謂衆曰吾不能投身巖谷滅迹市鄺而出入禁庭以重煩世主吾之過也遂屢辭歸故山國主錫以五峯接玄蘭若開寶二年八月十七日晏坐告寂壽六十四臘四十四 高麗道峯山慧炬國師始發機於淨慧之室本國主思慕遣使來請遂廻故地國

主受心設禮待彌厚一日請入王府上堂師指威鳳樓示衆曰威鳳樓爲諸上座舉揚了諸上座還會麼儻若會且作麼生會若道不會威鳳樓作麼生不會珍重師之言教未被中華亦莫知所終金陵清涼法燈禪師泰欽魏府人也生而知道辯才無礙入淨慧之

廿五

二十二

室海衆歸之僉曰敏匠初受請住洪州幽谷山雙林院上堂未陞座乃曰此山先代一二尊宿曾說法來此座高廣不才何陞昔古有言作禮須彌燈王如來乃可得坐且道須彌燈王如來今在何處大衆要見麼一時禮拜師便陞座良久曰爲大衆只如此也還有會

處麼僧問如何是雙林境師曰畫也不成曰如何是境中人師曰且去又曰境也未識且討人問一佛出世震動乾坤和尚出世震動何方師曰什麼處見震動曰爭柰即今何師曰今日有什麼事有僧出禮拜師曰道者前時謝汝請我將什麼與汝好僧擬問次師曰

將謂相悉却成不委問如何是西來密密意師曰苦問一佛出世普潤群生和尚出世當爲何人師曰不徒然曰恁麼即大衆有賴也師曰何必師告衆曰且住得也立官人及諸大衆今日相請勤重此箇殊功比喻何及所以道未了之人聽一言只這如今誰動口

廿五

二十三

著什麼處問不叉開選場還許學人選也無師曰汝是點額人又曰汝是什麼科目問如何是演大法義師曰我演何似汝演師次住金陵龍光院上堂陞座維那白椎云法筵龍象衆當觀第一義師曰維那是第二義長老只今是第幾義師又舉衣袖謂衆曰會麼大

衆此是山呼舞蹈莫道五百生前曾爲樂主來或有疑情請垂見示時有僧問如何是諸佛正宗師曰汝是什麼宗曰如何師曰如何即不會問上藍一曲師親唱今日龍光事若何師曰汝什麼時到上藍來曰謗當事如何師曰不諦當即別處覓問如何是佛法大意師曰且問小意却來與汝大意師後入金陵住清涼大道場上堂陞座僧出問次師曰這僧最先出爲大衆已了答國主深恩問國主請命祖席重開學人上來請師直指心源師曰上來却下去問法眼一燈分照天下和尚一燈分付何人師曰法眼什麼處分照來江

南國主爲鄭王時受心法於淨慧之室暨淨慧入滅後嘗問於師曰先師有什麼不了底公案師對曰見分析次異日又問曰承聞長老於先師有異聞底事師作起身勢國王曰且坐師謂衆曰先師法席五百衆今只有十數人在諸方爲導首你道莫有錯指人路底

摩若錯指教他入水入火落坑落塹然古人又道我若向刀山刀山自摧折我若向鑊湯鑊湯自消滅且作麼生商量言語即熟及問著便生疏去何也只爲隔閡多時上座但會我什麼處去不得有去不得者爲眼等諸根色等諸法諸法且置上座開眼見什麼所以道不見一法即如來方得名爲觀自在珍重師開寶七年六月示疾告衆曰老僧卧疾強牽拖與汝相見如今隨處道場宛然化城且道作麼生是化城不見古導師云寶所非遙須在前進及至城所又道我所化作今汝諸人試說箇道理看是如來禪祖師禪還定得

廿五二十四

皆赤心爲我默而難言或披麻帶布此即順俗我道違真且道順好違好然但順我道即無顛倒我之遺骸必於南山大智藏和尚左右乞一墳冢升沈皎然不淪化也努力努力珍重即其月二十四日安坐而終杭州真身寶塔寺紹巖禪師雍州人也姓劉氏七歲依高安禪師出家十八進具於懷暉律師暨遊方與天台韶國師同受記於臨川尋於浙江水心寺挂錫宴寂後止越州法華山續入居塔寺上方淨院吳越王命師開法署了空大智常照禪師上堂謂衆曰山僧素寡知見本期開放念經待死豈謂今日大王勸重苦勉山僧効諸方宿德施張法筵然大王致請也只圖諸仁者明心此外無別道理諸仁者還明心也未莫不是語言譚笑時凝然杜默時參尋知識時道伴商略時觀山翫水時耳目絕對時是汝心否如上所解盡爲魔魅所攝豈曰明心更有一類人離身中妄想外別

廿五

二十五

認徧十方世界含日月包太虛謂是本來真心斯亦外道所計非明心也諸仁者要會麼心無是者亦無不是者汝擬執認其可得乎問六合澄清時如何師曰大衆誰信汝問見月忘指時如何師曰非見月曰豈可認指爲月耶師曰汝參學來多少時也師開寶四年

七月示疾謂門弟子曰諸行無常即常住相言訖跏趺而逝壽七十三臘五十五

金陵報恩院法安慧濟禪師太和人也印心於法眼之室初任撫州曹山崇壽院爲第四世上堂謂衆曰知幻即離不作方便離幻即覺亦無漸次諸上座且作麼生會不作方便又無漸次古人意在什麼處若會得諸佛常見前若未會莫向圓覺經裏討夫佛法亘古亘今未嘗不見前上座一切時中咸承此威光須具大信根荷擔得起始得不見佛讚猛利底人堪爲器用亦不賞他向善久修淨業者要似他廣額屠鬼拋下操刀便證阿羅漢

果直須恁麼始得所以長者道如將梵位直授凡庸僧問大眾既臨於法會請師不吝句中玄師曰謾得大眾麼曰恁麼即全應此問也師曰不用得問古人有言一切法以不生爲宗如何是不生宗師曰好箇問題處問佛法中請師方便師曰方便了也問如何是古佛心師曰何待問江南國主請入居報恩署號攝衆師上堂謂衆曰此日奉命令住持當院爲衆演法適來見維那白槌了多少好令教當觀第一義且作麼生是第一義若這裏參得多少省要如今更別說箇什麼即得然承恩旨不可杜默去也夫禪宗示要法爾常規圓明顯露亘古亘今至於達磨西來也只與諸人證明亦無法可得與人只道直下是便教立地覲取古人雖即道立地覲取如今坐地還覲得也無有疑請問僧問三德奧樞從佛演一音玄路請師明師曰汝道有也未問如何是報恩境師曰大家見汝問師開寶中

廿五

二十六

示戒于本院 撫州崇壽院契稠禪師泉州人也上堂外座僧問四衆諦觀第一義如何是第一義師曰何勞更問師又曰大眾欲知佛性義當觀時節因緣作麼生是時節因緣上座如今便散去且道有也未若無因什麼便散去若有作麼生是第一義上座第一義現成何勞更觀恁麼顯明得佛性常照一切法常住若見有法常住猶未是法之真源依麼生是法之真源上座不見古人道一人發真歸源十方虛空悉皆消殞還有一法爲意解麼古人有如是大事因緣依而行之即是何勞長老多說衆中有未知者便請相示僧問淨慧之燈親然汝水今日王侯請命如何是淨慧之燈師曰更請一問問古人見不齊處請師方便師曰古人見什麼處不齊問如何是佛師曰如何是佛曰如何領解師曰領解即不是問的西來意師當第幾人師曰年年八月半中秋問如何是和尚爲人一句

師曰觀音舉上藍舉師淳化三年示滅

洪州雲居山廣平院清錫禪師泉州人也初住龍須山廣平院有僧問如何是廣平境師曰識取廣平曰如何是境中人師曰驗取次住雲居山僧問如何是雲居境師曰汝喚什麼作境世五曰如何是境中人師曰適來向汝道

什麼師後住泉州西明院有廖天使入院見供養法眼和尚真乃問曰真前是什麼果子師曰假果子天使曰既是假果子爲什麼將供養真師曰也只要天使識假問如何是佛師曰容顏甚奇妙 洪州百丈山大智院道常禪師本山出家禮照明禪師披剃尋參淨慧獲預函丈因請益問外道問佛不問有言不問無言敘語未終淨慧曰住住汝擬向世尊良久處會去師從此悟入後本山請歸住持當第十一世學者尤盛師上堂示衆曰乘此寶乘直至道場每日勞諸上座訪及無可抵延時塞不用久立却請迴車珍重僧問如何是

何是學人行脚事師曰拗折拄杖得也未問古人有言釋迦與我同參未審參何人師曰唯有同參方得知曰未審此人如何親近師曰恁麼即不解參也問如何是祖師西來意師曰往往問不著問還鄉曲子作麼生唱師曰設使唱落汝後問如何是百丈境師曰何似雲居問如何是百丈爲人一句師曰若到諸方揔須問過師又謂衆曰實是無事與上座各各事佛更有何疑得到這裏古人只道十方同聚會箇箇學無爲此是選佛處心空及第歸心空是及第且作麼生會心空不是那裏閉目冷坐是心空此正是識陰想解上

座要心空麼但且識心所以道過去已過去未來更莫筭瓦然無事坐何曾有人喚設有人喚上座應他好不應好若應阿誰喚上座若不應不患龍也三世體空且不是木頭所以古人道心空得見法王還見法王麼也只是病僧又莫是渠自代麼珍重僧問如何是

佛師曰汝有多少事不問僧舉人問玄沙曰三乘十二分教即不問如何是祖師西來意玄沙曰三乘十二分教不要其僧不會請師爲說師曰汝實不會曰實不會師示偈曰不要三乘要祖宗三乘不要與君同君今欲會通宗旨後夜猿啼在亂峯師淳化二年示滅

世五天人

塔于本山 天台山般若寺通慧禪師敬遵上堂謂衆曰皎皎烜赫地亘古亘今也未曾有纖毫間斷相無時無節長時搜定上座無通氣處所以道山河大地是上座善知識放光動地觸處現寶無絲頭許法可作隔礙如今因什麼却不會特地生疑去無事不用父立僧問優曇華塲人皆覩般若家風賜一言師曰不因上座問不曾舉似人曰恁麼即般若雄峯詎齊今古師曰也莫錯會問牛頭未見四祖時爲什麼百鳥銜華師曰汝什麼趣見曰見後爲什麼不銜華師曰且領話好問靈山一會迦葉親聞未審今日一會何人

得聞師曰汝試舉迦葉聞底看曰恁麼即迦葉親聞去也師曰亂道作麼師自述真讚曰真芳寥廓郢人圖縷嶽聳雲空澄潭月躍廬山歸宗寺法施禪師榮真曹州人也姓魏氏本名慧超升淨慧之堂問如何是佛淨慧曰汝是慧超師從此信入其語播于諸方初自廬山余家峯請下住歸宗上堂示衆曰諸上座見聞覺知只可一度只如會了是見間覺知不是見聞覺知要會麼與諸上座說破了也待汝悟始得父立珍重僧問如何是佛師曰我向汝道即別有也問如何是歸宗境師曰是汝見什麼曰如何是境中人師曰出

世五六

去問國王請命大啓法筵不落見聞請師速道師曰閑言語曰師意如何師曰又亂說問承教有言將此身心奉塵利是則名爲報佛恩塵利即不問如何是報佛恩師曰汝若是即報佛恩問無情說法大地得聞師子吼時如何師曰汝還聞麼曰恁麼即同無情也師

曰汝不妨會問古人以不離見聞爲宗未審和尚以何爲宗師曰此問甚好曰猶是三緣四緣師曰莫亂道師次住金陵奉先寺未幾復遷止報恩道場太平興國四年歸寂洪州鳳樓山同安院紹顯禪師僧問王恩降旨師親受熊耳家風乞一言師曰已道了也

問千里投師請師一接師曰好入處雲蓋山僧乞瓦造殿有官人問既是雲蓋何用乞瓦無對師代曰罕遇奇人江州廬山棲賢寺慧圓禪師上堂示衆曰出得僧堂門見五老峯一生參學事畢何用更到這裏來雖然如此也勞上座一轉無事珍重僧問不是風動不是幡動未審古人意旨如何師曰大衆一時會取又上堂有僧擬問師乃指其僧曰住住其僧問從上宗乘請師舉唱師曰前言不構後語難追曰未審今日事如何師曰不會人言語問如何是佛法大意師曰好問如何是棲賢境師曰入得三門便合知問如何是

祖師西來意師曰此欠少問祖燈重耀不吝慈悲更垂中下師曰委得麼曰恁麼即方便門已開師曰也賸洪州觀音院從顯禪師泉州莆田人也少依本邑石梯山出家具戒參法眼受記初住昇州妙果院後住茲院參學頗衆師上堂衆集良久謂曰文殊深贊居士未審居士受贊也無若受贊何處有居士耶若不受贊文殊不可虛發言大衆作麼生會若會真箇衲僧時有僧問居士默然文殊深贊此意如何師曰汝问我答曰恁麼人出頭來又作麼生師曰行到水窮處坐看雲起時僧問如何是觀音家風師曰眼前看取曰

廿五

三十

忽遇作者來作麼生見待師曰貧家只如此未必便言歸問父貧沒絃琴請師彈一曲師曰作麼生聽其僧側耳師曰賸殺人師謂衆曰廬行者當時大庾嶺頭爲明上座言莫思善莫思惡還我明上座本來面目來觀音今日不恁麼道還我明上座來恁麼道是曹谿

子孫不是曹谿子孫若是曹谿子孫又爭合  
除却四字若不是又過在什麼處試出來商量  
看良久師又曰此一衆真行脚人也珍重  
太平興國八年九月中師謂檀那袁長史曰  
老僧三兩日間歸鄉去袁曰和尚尊年何更  
思鄉師曰歸鄉圖得好鹽喫袁不測其言翌  
日師不疾而坐云壽七十有八袁長史建塔  
于西山廬州長安院延規禪師僧問如何  
是庵中主師曰到諸方但道從長安來師化  
緣將畢以住持付門人辯實接武說法乃歸  
本院西堂示滅常州正勤院希奉禪師蘇  
州人也姓謝氏住本院爲第一世初上堂示  
衆曰古聖道圓同太虛無欠無餘又云一一  
法一一宗衆多法一法宗又道起唯法起滅  
唯法滅又云起時不言我起滅時不言我滅  
據此說話屈滯久在叢林上座若是初心兄  
弟且須體道人身難得正法難聞莫同等閑  
施主衣食不易消遣若不明道箇箇盡湏還

世五

三十二

他上座要會道麼珍重僧問如何是祖師西  
來意師曰什麼處得這箇消息問如何是諸  
法空相師曰山河大地問僧衆雲集請師舉  
唱宗乘師曰舉來久矣問佛法付囑國王大  
臣今日正勤將何付囑師曰萬歲萬歲問古  
人有言山河大地是汝真善知識如何得山  
河大地爲善知識去師曰汝喚什麼作山河  
大地問如何是合道之言師曰汝問我答問  
靈山會上迦葉親聞未審今日誰人得聞師  
曰迦葉親聞箇什麼問古佛道場學人如何  
得到師曰汝今在什麼處問如何是和尚圓  
通師敲禪牀三下問如何是脫却根塵師曰  
莫妄想問人王法王是一是二師曰人王法  
王問如何是諸法寂滅相師曰起唯法起滅  
唯法滅問如何是未曾生底法師曰汝爭得  
知問無著見文殊爲什麼不識師曰汝道文  
殊還識無著麼問得意誰家新曲妙正勤一  
句請師宣師曰道什麼曰豈無方便也師曰

汝不會我語 洛京興善棲倫禪師僧問如

何是佛師曰向汝恁麼道即得問如何是西  
來意師曰適來猶記得因官師致政李公繼  
勲終世有僧問是法住法位世間相常住未  
審官師李公向什麼處去也師曰恰被汝問  
著曰恁麼即虛申一問師曰汝不妨靈利

洪州武寧嚴陽新興齊禪師僧問如何得出  
三界去師曰汝還信麼曰信即深信乞和尚  
慈悲師曰只此信心亘古亘今快須究竟取何  
必沉吟要出三界三界唯心師因雪謂衆曰  
諸上座還見雪麼見即有眼不見無眼有眼  
即常無眼即斷恁麼會得佛身充滿僧問學  
人辭去泐潭乞和尚示箇入路師曰好箇入  
路道心堅固隨衆參請隨衆作務要去即去  
要住即住去之與住更無他故若到泐潭不  
審馬祖 潤州慈雲匠達禪師僧問佛以一  
大事因緣故出現於世未審和尚出世如何  
師曰恰好曰作麼生師曰不好

廿五

## 景德傳燈錄卷第二十五

廿

撓芒

倉何反渙音亡

寐

漫義

虛

宜

棹

直

滲漏

禁反銀十江

陵

之

枯

音帶

胡谷

崑崙

混

論

音鄧即四明也

提乃

結

餅餸

淡數叟挺

待鼎

幹

音旱反

鳬脰

音符下

閱

音悅

捨窺

挺也

攢祖

九

寢魚

器

反顛贊嶷郭力瞶克盍憐狹莫結反燈知更反  
鑊胡剝塹七炎僥堅堯及冢蒙音廖力吊拗於  
炬𦵹呼格反下搜子葛坼恥格灑屋郭翌翼音  
反

景德傳燈錄卷第二十六

世六

吉州清原山行思禪師第九世下至第十一世

第九世 金陵清涼文益禪師法嗣三十三人

一十三人見錄

蘇州薦福紹明禪師 澤州古賢謹禪師  
宣州興福可勲禪師 洪州上藍守訥禪師